





第二七六册

四庫全書

●上海古籍出版社

本冊目次

楊忠介	附	荆川	皇甫玄	外
集	錄	集	集	集

明楊爵撰……………	一
明唐順之撰……………	一八三
明皇甫湜撰……………	四九一

全書

欽定四庫全書

集部

楊忠介集卷一至四

詳校官監察御史臣曹坦

中書臣劉源溥覆勘

總校官編修臣王燕緒

校對官中書臣陳木

謄錄監生臣羅俊

欽定四庫全書

集部六

楊忠介集

別集類五明

提要

臣

等謹案楊忠介集十三卷明楊爵撰爵有

周易辨錄已著錄是編第一卷為奏議二卷

為序碑記三卷為傳四卷為書五卷為家書

六卷為語錄七卷為祭文誌銘雜著八卷至

十三卷為詩附錄五卷則後人所編輯也世

欽定四庫全書

楊忠介集

宗時齋醮方興士大夫率以青詞取媚而爵

獨據理直諫如所陳時雪之不可以為瑞左

道之不可以惑眾詞極剴切下獄以後猶疏

諫以冀一悟其忠愛徘徊至今如見家書二

十五則諄諄以忠孝勗其子孫未嘗一言及

私語錄不為高論而篤實明白皆粹然儒者

之言按爵與羅洪先錢德洪諸人遊以講學

相勗然德洪等源出姚江務闡良知之說爵

則以躬行實踐為先聞西道學之傳爵實開
之跡其生平可謂不負所學者所作詩文大
都直抒胸臆雖似傷平易然有本之言不由
雕繪其可傳者正不在詞采間矣乾隆四十
六年閏五月恭校上

總纂官_臣紀昀_臣陸錫熊_臣孫毓汶

總校官_臣陸費墀

欽定四庫全書

楊忠介集

二

欽定四庫全書

楊忠介集卷

奏議

固邦本疏

明 楊爵 撰

欽定四庫全書

楊忠介集

一

題為預防災變安黎庶以固邦本事臣于嘉靖八年十月
內奉制往兩廣公幹即會事定回還臣知陛下哀憫斯
民之心懸于閭閻之下凡四民利病民間休戚必欲聞
之故令謹述所過地方災傷生民可痛之狀為陛下言
之南北直隸河南山西陝西等處地方當禾苗成熟之
日蝗蝻咸生彌空蔽日積于地者至三四寸厚將禾根
食之皆盡居民往往幸婦子將蝗蝻所食禾苗痛哭收
割以為草芻之用其他蝗蝻稍少之地禾苗食有未盡
者頗有秋成之望矣未及成熟嚴霜大降一時盡皆枯
槁遭此災變民失依倚去年冬月民所資以為食者皆
其先時所捕曬之蝗蝻與禾葉木皮等物當此之時民

之形色顛悴雖甚可哀而死于道路者尚未多見比及
令春臣復經此地每見餓死尸骸積于道路者不可勝
數又見行者往往割死者之肉即道傍烹食之又聞有
父子相食者并陞縣一日而縣官獲殺人食者三人臣
聞之捫膺大痛食不下咽自謂有司必能具奏聖明在
上聞有是事必至流涕比臣到京聞廟堂之上救民之
死非其所急而所議者郊社之禮耳微臣憂國愛君之
心切於中而不能不有所言也昔者漢文帝之時家給

欽定四庫全書

楊忠介集

人足海內富庶賈誼上書猶曰可為痛哭謂抱火厝之
積薪之下而寢其上不可謂安況於今日時勢當何如
耶古賢王之治天下也生養遂而後教化行教化行而
後禮樂興方今災傷之地生民死亡十有六七存者起
而為盜賊雖稍有積蓄之家亦難保於自食其勢渙散
不可收拾朝廷之上舍此不之憂而議合祀分祀之禮
是所謂不能三年之喪而緦小功之察放飯流歎而問
無菑決也夫民惟邦本本固邦寧民心離散邦本不固

土崩之勢可以立待縱使周公所制禮文盡行於今日
亦何補于天下之亂乎深念及此可為寒心不知陛下
宵旰之際亦嘗慮及于此乎左右謀國之臣亦嘗言及
於此乎且南北分祀以復先王之禮非不可也但今日
救民死亡之日而非興禮樂之時也自古國家哀亂未
有不由民窮盜起而為上者不知憂恤遂至人心離叛
而天命亦去宗社不可復保矣故臣之所憂者不在府
庫之財不能徧濟天下而但恐陛下無憂勤斯民之心

欽定四庫全書

楊忠介集

也夫憂民即所以憂國治民即所以治國也陛下日事
經筵雖隆寒燄暑未嘗少怠臣知陛下銳意太平而欲
為堯舜之君矣蓋堯舜之心急于救民一民饑曰我饑
之也一民寒曰我寒之也假使當時餓死之民滿于溝
壑有如今日堯舜之心當何如哉臣願陛下上畏天心
之微戒下憫斯民之死亡不遑他務專廣仁恩移此議
禮之心區畫賑濟之策以長沃民生則皇恩浩蕩孰不
頌明明天子深仁廣被在在戴生我父母向之枵腹待

哺者今有飽食之慶矣向之妻子離散者今有室家之樂矣民心已渙而復收邦本雖搖而轉固縱值天時之災鮮不以人力勝之也海宇蒼生享太平之福聖子神孫繼萬年之緒者端在此矣臣不勝戰慄敬惕恐懼之至

隆治道疏

題為懇人心以隆治道事臣惟人主一身萬化本原履至尊之位膺艱大之責用人行政是非得失方在幾微而關于民心之向背天命之去留者即甚可畏也是以聖帝明王深察

欽定四庫全書

禮記介

乎此制治必於未亂保邦必於未危事無微而不謹時無暫而不懼幾無隱而不飭為大於其細而國難于其易然後天人交與而可以延國祚於永久矣方今天下大勢如人哀病之極內而腹心外而百骸莫不受病即欲拯之無措手之地以巨觀之其危亂之形將成目前之憂甚大也大抵因仍苟且兵戎廢弛奢侈妄費公私困竭奔競成俗賄賂通行遇災變而不憂非祥瑞而稱賀諂諂面諛公肆欺罔士風民俗于此大壞而國之所恃以為國者掃地盡矣撥危

亂而反之治安此在陛下所以轉移率勵之者何如耳况當朝觀大比之期有司多士濟濟來趨延頸思化人切仰極重不可反獎失則難濟伏願陛下汲汲於此時留心焉以為善後之圖也臣以病居林下者八九年誤蒙聖恩賜之起用擢以耳目之官任以糾劾之責受命以來蚤夜耿耿每思國事日非而臣於國恩有未報至於痛心流涕者有之臣請畧舉目前所見其大要足以失人心而致危亂以貽聖心之憂者為陛下告誠不忍

欽定四庫全書

禮記介

默默保位以上負陛下之洪恩下負生平之所學也伏願聖明垂聽萬臣竊惟天下之患莫大于以危為安以蓄為利實則可憂而以為大可樂法家拂士日益遠而快意肆情之事無取有齟齬于其間積弊而至于蠱則不可得而救矣此實天下之大患也往年夏末入秋恒暘不雨畿輔千里已無秋禾既又立冬無雪暖氣如春元旦僅雪即止民失所望洵洵無聊憂旱之切遠近所同此正陛下撤樂減膳率臣下以祈惠寧之時也而在

廷之臣如大學士真言數人者乃以為靈瑞而稱頌之其欺天罔人不亦甚乎其不幾于安危利害而以大可憂者為繫耶孔子告顏淵為邦在遠佞人若是而謂之佞人者非耶大臣之職輔君當道志于仁而先天下以為憂者也無患君體國之心而居人臣之極位所謂小人而乘君子之器也欲天下之治安可得耶又如弼國公郭勛者中外皆知其為天下之大慈朝廷之大蠹也勛之舉動蹤跡豈能逃于聖鑒雖陛下威德優容不忍即罪神謀遠慮自有所處臣愚以為奸不可近惡不可長若止之于微遇之於漸則朝廷優禮人臣之體貌未失而勳戚之餘裔亦得以保全而善終也或使稔惡肆毒潛干政柄則羣狡趨赴善類退處其為天下國家之禍日益深矣治道去其太甚者此其為害治之人之甚所當急去而不可緩也凡此任用匪人足以失人心而致危亂者一也天生斯民立之司牧君人者奉天以安民而使之各得其所也民不得所則其心不能無怨民

心怨則天意可知矣古者民勤于食則百作廢今民勤食不可得而至於離散離散無所歸而至于死亡臣近巡視南城兩月中凍餒死者八十人此特南城一廓耳共計五城未知有幾目所不及見而在于千萬里之遠者又未知其有幾孰非陛下之赤子也而顛連無告委命溝壑蓋望一豆羹蔬食以延涓臾之生而不可得也此正陛下愛民惜財與天下休息之時也而土木之功十年于此矣而尚未止工部屬官添設者至數十員又差部官遠修雷壇以一方士之故浚民膏血而不知恤則民何以得其所哉民惟邦本本固邦寧窮民之力盡民之財是自度其本根也而國何以為國乎昔漢文帝惜百金之費不營一臺故海內富庶隋氏以威修宮室而至于亡國願陛下以為鑒戒則守內生靈之慶也況今倭寇跳梁內寇竊發警報日聞加以頻年災沴上下一空百計取之愈為不足而興作未已以結怨于天下此其足以失人心而致危亂者二也唐虞三代之世君

臣母以勤敬之道交相警戒其見于經傳者如堯舜兢兢業業無怠無荒禹惜寸陰湯坐以待旦文王日不暇食武王以敬而勝怠故能壽考期治隆熙泰是數聖人所以崇年益壽善政和民之道不外乎敬與勤而已矣周公召公之相成王也周公則以逸而戒之召公則以敬而勉之蓋敬逸之間身之修否政之理亂所由分此固周召忠君懇惻之心也陛下即位之初勵精有為不遑寧處嘗以敬一歲通示天下其于堯舜三王之道蓋已心得之矣近年以來因聖體違和朝儀間闕經筵未講大小臣庶朝參辭謝未得一覲聖容敷奏復逆未得一聆天語若是者今已久矣夫天位者艱難之器非逆樂之具也陛下一身天地百神賴以享六軍萬民賴以安一日二日有萬幾之繁近聞聖躬調順大獲福康中外臣民罔不歡慶況此春氣新和人思新化庶官入覲雖離蕭肅來自萬里之遠者孰不欲鞠躬盡委北面舞蹈望龍顏以慰快覲之心乎易曰聖人作而萬物覩

正今日之事也若未得瞻於咫尺天顏之下以伸有事顯若之敬臣恐人心日益怠惰中外日益渙散非隆古君臣同寅協恭以臻太平之氣象也此其足以失人心而致危亂者三也執左道以惑衆聖世所必誅而不宥者也今巧言令色列於庭光金紫亦綴賞及于方外之士臣不意陛下睿哲先物明見萬里而所為乃至于此夫保傳之職坐而論道古人謂官不必備惟其人故非道隆德盛極天下之選者不足以任此責今舉而拜諸近怪之徒輕之若流品之末則名器之濫至此極矣且陛下以天縱之聖實為上天之元子若遠宗帝王之道近守祖宗之法細旃廣廈之下與公卿賢士講論治道則心正身脩與天地合其德與日月合其明和氣致祥罔有天災而山川鬼神莫不寧矣安用假此妖誕邪妄之術列諸法禁之地而藉之以為聖躬之福耶甚非聖天子所以崇正遠邪平乎蕩蕩奉三無私以化天下之道也臣恐風聲所及人起異議豪傑之士聞而解體

貽四方之笑取百世之譏于聖德國政所損不細此其足以失人心而致危亂者四也古人有言君聖則臣直陛下臨御之初延訪忠謀虛懷納諫其于狂直敢言之士往往於宵旰一時臣工恃陛下之能容敢以直言冒干天聽言過激切而獲罪亦多有之自此以來臣下懷危慮禍未聞敢有犯顏直諫而為巨觔逆心之論者昔人論求言之益以為勉強以聽不若悅而從之悅而從之不若道之使言蓋人臣持祿保位者多而忘身以狗

欽定四庫全書

魏志卷一

十一

國者少雖識見有明暗言論有得失在陛下明目達聰鑒別取舍于黜陟賞罰付之公論則可矣若震之以天威加之以免禍如往年太僕卿楊最者言出而身即死近日翰林院左贊善兼修撰羅洪先等皆以言罷斥此於國體治道所損甚多伏願聖明少致思焉咸湯大聖人也仲虺稱其改過不吝從諫弗咈高宗有商之令主也傳說告以木從繩則正后從諫則聖此二君作聖之功為萬世人主之龜鑑也臣非區區為一楊最等惜也

但歷觀古今以來有天下國家者未有不以任諫而興以拒諫而亡者也今而後雖有素懷忠義之心者非灰心仕進甘退丘園亦必深自晦藏為保身計夫孰敢發口以論天下之事哉臣恐忠蓋杜口則讒說交進上德不能下達下情不能上通安危休戚無由以見而堂陛之近即遠于萬里矣此其足以失人心而致危亂者五也凡此數者闕於天下之治亂國勢之安危貽聖心之憂誠未已也伏望皇上念祖宗創業之艱難思今日守

欽定四庫全書

魏志卷一

十一

成為不易察臣忠惻憫臣所陳賜之施行戒飭夏言務篤忠貞之道以報國家眷顧禮遇之恩於郭勛則豫有以裁抑而保全之止土木之功開諫諍之路屏邪妄之術陛下仍以慎獨養天德以天德達王道以慰人心以祈天祐則莊敬日強而彌壽永于千億虛靈照物而忠邪莫可遁逃其為宗廟社稷萬萬年無疆之福聖子神孫萬萬年無疆之規者端在此矣臣不勝戰慄懇切之至

獄中諫書

臣聞明王之治天下也上畏昊天之鑒臨下畏臣民之瞻仰雖德威功高而其惟日不足之心未嘗不求賢納諫以盡事天撫民之誠而制治于未亂保邦于未危焉忠臣之事君也雖當道化熙洽之時猶不忘訓誥保惠之勤而防微杜漸之惟謹惟恐一念一事之差謬而貽生民無窮之害也古今稱舜者孰不以為天下之大聖乎其聰明睿智出于天性若無賴於臣下之匡輔取善以自益矣然舜命禹曰予違汝弼汝無面從退有後言又曰臣作朕股肱耳

欽定四庫全書

卷一百一十五

三

目不以已德為已至而從事于咨諏察納之無遺蓋知一念之趨向則聖狂治亂所由分而不可以不慎焉是聖人不自滿足終日乾乾之心也禹戒舜曰毋若丹朱傲惟慢遊是好傲虐是作益戒舜曰罔遑道以干百姓之謦罔啖百姓以從己之欲夫舜豈至遑道于謦啖民從己者哉又豈至好慢遊作傲虐如丹朱者哉禹益不以其君道隆德盛而忘儆戒之勤慙如此是人臣保治無窮之心而為尊君敬君之至也虞廷君臣都俞吁咈之相與如手足腹心

之一體而成文明熙皞之治後有作者弗能及也伊尹告太甲曰有言逆于汝心必求諸道有言遜於汝志必求諸非道召公告武王曰志以道寧言以道接周公訓成王亦曰小人怨汝嗾汝則皇自敬德厥愆曰朕之愆允若時不啻不敢含怒古聖哲之臣所以輔養君德而成功業之盛者孰不切切焉欲其君以聽言納諫為心乎漢武帝之臣有汲黯者自言有狗馬之忠願出入禁闥以補過拾遺又曰天子置公卿輔弼之臣寧令阿諛

欽定四庫全書

卷一百一十五

四

順從以陷主上於不義乎且已在其位縱不言泰畧朝廷何魏徵疏唐太宗漸不克終十事以諫諍為已任君不及堯舜其心未肯以自己也故汲黯魏徵號稱古之遺直而太宗貞觀之治幾于三代者有由然也歷代聖賢之君莫不樂聞規諫以奉天下之善以防壅蔽之奸至秦始皇父子愚闇過失忠諫者謂之誹謗深計者謂之妖言遂至上下判隔遠近乖離匹夫一呼天下土崩不二世而國不守矣我朝孝宗皇帝時主事李夢陽以

言事下獄中鎮撫司本上孝宗皇帝問左右當何如批行左右對曰此人狂妄當笞之以示懲戒孝宗皇帝特批釋放因語輔臣曰李夢陽本內事干戚朕不得已下之獄左右欲朕笞之者朕知左右之意矣蓋既得旨必密喻重笞置之死地以快中官之心而使朕有殺直臣之名左右之不忠一至于此輔臣對曰陛下此心即堯舜之仁也是故遠而虞夏商周之聖君及漢唐以來之賢主近而孝宗皇帝皆陛下所當取以為法而泰以

欽定四庫全書

卷一百一十五

七

欽定四庫全書

卷一百一十五

七

臣七人雖無道不失其天下諸侯有諍臣五人雖無道不失其國大夫有諍臣三人雖無道不失其家當不義則臣不可以弗諍于君子不可以弗諍于父孟子曰責難於君謂之恭陳善閉邪謂之敬吾君不能謂之賊其語齊臣曰齊人無以仁義與王言者豈以仁義為不美也其心曰是何足與言仁義也云爾則不敬莫大乎是我非堯舜之道不敢陳於王前故齊人莫如我敬王也大哉孔孟之言真萬世致治之道也伏願聖明留心焉

欽定四庫全書

卷一百一十五

七

臣自嘉靖十一年以病居田里者八年餘量能度分安身退處已絕無用世之心矣朝廷起臣於賦畝之中而授之職既又以罪下獄臣一時所着衣服非度聖明不即誅死而惟笞以戒之此猶天地之於萬物一於長養生成而已栽培傾覆之殊用天無私喜私怒于其間也風雨霜露無非上帝之教笞以戒臣而全臣之生孰非陛下之仁乎陛下于臣已廢而復起之當死而又生之其浩蕩無涯之恩德始終于臣者可謂至矣此臣於垂

死之餘猶哀鳴之而欲陛下納諫客直以成君德以廣君道與唐虞三代兼美比隆欲竊效古人屍諫之忠而盡臣犬馬之報於萬一也伏願聖明留心焉臣又尚記東廠使記臣衣服然其來者二人焉臣未知其姓氏自此以後或一二人或三四人更迭往來未嘗不日在臣之左右凡為臣所經過者將百人焉臣心知其為東廠使以覘臣者而口未敢言臣又察其意向似有記臣言語動作以傳聞于天聽之下之意焉不知果有此事否

當廢孰為當興一日二日有萬幾之繁孰非陛下所當深察而速覽者乎釋此不慮而注意一狂言獲罪之囚犯此何心哉若陛下以此察臣之心移之於兵政之廢弛財用之匱竭生民之嗷嗷君子小人之當進當退朝政之敷理當廢當興念茲在茲與公卿賢士日講論之而圖處之心常如此實為宗廟社稷之福萬方生靈之慶也況臣當日所言雖出臣愚昧之見而一時片睚之誠亦未必無可採擇而施行者若聖明留意而臣言有

乎若誠有之臣不勝惻怛悲感之切至而願昧死以有言此非陛下威德所宜為也古人有言君道貴明不貴察陛下以鷹智居尊中天下而立定四海之民當以正大光明之道化成天下平乎蕩蕩母意母必毋固毋我朕肱耳目托諸臣佐生殺予奪付之公論不宜偏有視聽作為之私心而使羣下得以窺聖衷之淺深也況今邊隅屢警兵政廢弛工役浩繁財用匱竭暑雨新寒生民嗷嗷君子小人孰為當進孰為當退朝政敷理孰為

補于聖政萬一雖諫死即不打矣泰山不讓土壤故能成其高河海不擇細流故能就其深王者不棄芻蕘故能極其聖伏願聖明留心焉又臣初下獄時鎮撫司官倪氏孫綱以聖怒赫然之下臣罪深重一時不令臣自通飲食惟日給臣以官米臣又不便所食又病幾死後陶某等許臣家人自送淡粥乾湯日得二食今四十五日有餘矣延此一息尚未死滅此實陛下好生之德覆載之恩之所及而諸臣不欲置臣於死使朝廷有殺諫

臣之名其心未必不為忠于陛下者也近東廠復三四
人來獄中鎮撫司自官吏以至守獄校卒皆戰慄微懼
日夜戒嚴復絕臣飲食似有欲臣速死之意臣令一死
雖無所惜誠無所難但臣愚慮謂絕飲食以置臣于死
決非聖心所欲為竊恐有請張為幻者過為訛言恐動
衆心使至于此則事未可知伏望皇上洞開日月之明
照此幽隱之地若臣罪當誅即明正典刑肆諸市朝以
為人臣事君不忠者之戒若察臣忠悃憫臣狂愚罪從
輕減或遠謫邊戍放歸田里此又聖主宥罪赦過之洪
恩非臣負罪深重者所敢望也惟聖明蚤賜裁處臣不
勝兢惕懇切之至

欽定四庫全書

楊忠介集

卷二

楊忠介集卷一

欽定四庫全書

楊忠介集卷二

序

周易辨錄序

予久蒙幽繫自以負罪深重憂患警惕之念即夙夜而
恒存也因病中日讀周易以自排遣愚蒙管窺或有所
得則隨筆之以備遺忘歲月既久六十四卦之說畧具
欽定四庫全書

楊忠介集

卷一

矣因名曰周易辨錄繫辭曰困德之辨也吾以驗吾心
之所安力之所勝何如耳若以為實有所見而求法於
古人焉則吾死罪之餘萬萬所不敢也嘉靖二十四年
八月日蔣謙書

獄中詩集序

去年春予以罪下北司獄既而緒山錢子白樓趙子皆
以負罪同繫於獄如楚囚之相對也二子者歎舊業之
易荒不以蒙難為意時時讀易余以圓牆之中而得賞

奇析疑之樂因與二子取六經三史諸子百家數相論
難情與感觸發爲詩歌古風近體各有所得歲月既久
總成一帙錄藏巾笥意在詩與文而在無忘今日患
難相與之心也故吾三人每相聚語未嘗不嘆相遇之
奇而幸其相處之益也古者大聖賢之心學淵源相與
神交默會故有誕先登岸不假於困窮鬱抑而後成然
以動心忍性熟其所存精其所履而優入於神化之境
者自上智而下恒多有之吾觀錢趙二子景希先哲探

欽定四庫全書

楊忠介集

二

討幽秘疊疊不厭他日行所學以福斯世而成可久可
大之事業其與涵養家塾而措諸席廟者何異耶顧予
庸碌多罪劣於振拔幸得竊其影響補愆省咎而僅比
於折肱知醫之萬一焉夫以多由多懼之區而爲進修
之地者亦在乎心之存不存何如耳時嘉靖壬寅秋七
月既望爵書於獄中

雪夜吟集序

余與錢子洪甫同獄中得其父心漁翁所著有雪夜吟

集而相與序述發揚顯心漁翁之心與行而可與傳後
者多海內之名士余讀之不能不有所感於心也天賦
人以聰明才知豈可飽食終日無所用其心哉心漁翁
發之於詩其過人者亦多矣詩歌琴曲之類且不過以
此一種之樂趣以養其悠然自得之性情而忠孝大節
乃其平生之懷抱今詩歌中往往見之而循自然之理
以任乾坤之句幾於樂天知命者矣夫有大抑鬱必有
大亨通固理數然也吾觀心漁翁之子孫濟濟多英才
而長子洪甫進士方任刑部員外郎以學行知名於世
天其有以慰心漁翁之心乎

欽定四庫全書

楊忠介集

三

蒲城縣志序

予讀王制有曰凡居民材必因天地寒煖燥濕廣谷大
川異制民生其間者異俗器械異制衣服異宜修其教
不易其俗齊其政不異其宜知天下郡邑之有志其作
益繇於此乎蒲城縣志九十篇縣尹姜子教諭徐子所
創編也歷春秋戰國迄於國朝九二千餘年一方故迹

亦畧可見矣志既成徐子手持以示予且請序諸首夫志之爲言識也蓋郡縣有沿革物產有饒乏人事有得失識之以備考稽均貢食昭鑒戒迷往事以告後之人焉所謂修教齊政之事所繇得也是志所載天文地理人事皆有焉予取其人之有關於世教者言之涖官如張戢孝子如趙玉烈婦如姜溢妻其休聲懿聞百世之後聞之者可以興起此志之所以不容已也夫人之趨向能正斯所覽而可爲地已之地苟心存不善雖嘉言美行日聞於耳弗能入也君子而能大其觀則修己治人之道亦可于斯志而有得焉斯固志者之意也姜子名某字某徐子名某字某二子西蜀人也守官而能以文獻爲心如此亦異於世俗之見矣

贈汪兵備兩尊人壽序

公諱尚寧先為程家立嗣復復姓

嘉靖己丑年封君之子廷德與爵同舉進士官行人司行人交與日深廷德不以爵不肖取爲同年友壬辰年爵以御史謝病歸廷德以年不與科道舉歷部郎補兄

欽定四庫全書

楊忠介集

四

州府知府庚子歲爵復承乏前職廷德入覲京師復會於燕山客舍中叩其所造淵乎未可窺也次年辛丑春爵以罪下獄踰五年爲己巳秋蒙恩有爲編民廷德以吾陝兵備守潼關過於塗次未幾爵復以罪逮北行事出不測遠近震駭廷德德傳舍握手以別丁未冬爵復蒙恩歸田里時廷德移守慶陽致書林下謂其父母年高凡吾同好者當有言以壽之夫子之善父母之善也廷德明識器宇自其弱冠時已若素定然歷官所至仁澤義聲聞於海內爵實與陝民同在漸被中孰非封君暨太夫人德善所及乎爵願祝封君太夫人曰公有賢子行道濟時惟天眷德自古若茲公之夫婦耄期稱道公之夫婦耄考無期耄期稱道壽踰百齡子子孫孫承於無窮

賀督浮岩公八十序

御史龍谿督子學父浮岩公壽登八十親友以公賢德享壽子孫克肖咸願往賀予爲先之以言孔子曰仁者

欽定四庫全書

楊忠介集

五